


Коми Республикаса Каналан Сöветö
2021 во косму тöлысь 1 лунсянь лöддза-номья тöлысь 30 лунöдз
гражданасянь воöм гижöда шыöдчöмьяс видлалöм


Коми Республикаса Каналан Сöветö (водзö – Каналан Сöвет) 2021 вося косму тöлысь 1 лунсянь лöддза-номья тöлысь 30 лунöдз воис 574 шыöдчöм, сы лыдын 443 гижöда шыöдчöм (сы лыдын 406 ашöр шыöдчöм, гражданалöн öтувьясянь 14 да котырьясянь 23 шыöдчöм).

Став гижöда шыöдчöм лыдысь 387 воис электроннöй документöн: Öтуввез-водзвезöс пыр, мый меститчöма Öтуввезйын Каналан Сöветлöн официальной сайтын, либö электроннöй пошталöн официальной инпас вылö.



Письмöясыс воисны республикалöн дас сизим муниципалитетын олысьясянь. Медтшöкыда Каналан Сöветö шыöдчылисны Сыктывкарын олысьяс (34). Отчётнöй кадколастын 37 шыöдчöм воис странаса мукöд динмуысь – Москва, Санкт-Петербург, Волгоград, Воронеж, Ижевск, Калининград, Новосибирск, Оренбург, Уфа, Челябинск, Наро-Фоминск, Москва обласьтса Мытищи да Щелково карьясысь, Волгоград обласьтса Ольховка сиктысь.

Коми Республикаса Каналан Сöветö
2021 вося II кварталын воöм
гижöда шыöдчöмьяслöн тематика



Гижода шыодчөмьяссө видлалөмыс петкөдлө, мый гражданаос медся ёна майшөдлөны гөгөртас видзөмкөд, канмукөд, йөзкотыркөд да политикакөд йитчөм юалөмьяс (на лыдын олан пунктьясөс социальнөй да экономика боксянь сөвмөдөмкөд, канму власьт органьяслөн, меставывса асвескөдлан органьяслөн да өтйөза организацияслөн уджкөд йитчөм юалөмьяс), социальнөй юкөнын (йөзлысь дзоньвидзалун видзөмын, социальнөй мынтөмьяс серти, йөзөс могмөдөмын, кокньөдьяс серти юалөмьяс), оланін да коммунальнөй овмөсын юалөмьяс.

«Интауголь» акционер котыр предприятие бырөдөм бөрын мездмөм уджалысьяс вөзйөны овмөдны республикаса лунвыв районьясө найөс, кодьяслөн из шом перьян юкөнса организациясын уджалан стажыс 10 воысь абу этшаджык да кодьяс 15 во олісны Ылі Войвыв районьясын. Тайө категория йөзсө Ылі Войвыв районьясысь олысьясөс Коми Республикалөн лунвыв районьясө овмөдан дінму уджтасө пыртөм отсөгөн Инта карын ёна чинас социальнөй ёсьлуныс, көні удж рынокыс дефицитнөй, оз ло «Интауголь» акционер котыр предприятие бырөдөм бөрын унджык мездмөм уджалысьөс уджөн могмөдөмкөд йитчөм мытшөдыс, чинас семьяслөн лыдыс, кодьяс сулалөны Ылі Войвыв районьясысь мөдлаө овмөдөм вылө өчередын, а сідзжө Коми Республикаын кольөны квалификуйтөм уджалысьяс сы вылө, медым пөртны олөмө Россия Федерацияса Арктика мутасьяс туюлан да сөвмөдан канму уджтасса индөм мероприятиеяссө.

«Чилимдін» муниципальнөй района администрация районлөн Сөветса локтан сессия дырйи кыпөдас Чилимдін района культура уджалысьяслы, кодьяс олөны сиктьясын, социальнөя отсалан мераяс дугөдөм йылысь юалөм. Коммунальнөй услугаысысь мынтысьөм вылө

кокньодьясыс лооны культураын уджалысьяслы дзик оти социальнӧя отсалан мераӧн. Сійӧ, мый колӧ уджавны Ылі Войвылын, сьӧкыда воӧдчан районын, шойччан да гажӧдчан луньясӧ, сэк, кор омӧля могмӧдӧма шылада инструментъясӧн, югзьӧдан да звукӧвӧй аппаратаӧн, сценавывса костюмъясӧн, оз ышӧд босьтчаны тайӧ уджӧ. Культураын уджалысьяс корӧны кольны коммунальнӧй услугаяс вылӧ кокньодьясӧ. Найӧс дугӧдӧм вӧсна лӧкмас сиктын уджалысьяслӧн социальнӧй положениеыс, мый оз ло ӧткодь велӧдысьяскӧд да медикъяскӧд, нӧшта на кутас чинны олысьлӧн сідз нин чинысь лыдыс, содас культураын уджалысьяслӧн удж серти миграцияыс, медьенасӧ том войтырлӧн, кодьяс омӧля кольччӧны сиктъясӧ.

Татшӧм жӧ письмӧ воис и Чилимдін районса культура уджалысьяслӧн профсоюзӧн веськӧдлысьянь, кӧні таысь кызди сӧрнийыс мунӧ и сы йылысь, мый районын культура юкӧнсӧ омӧля могмӧдӧны сьӧмӧн. Та понда сьӧмыс оз тырмы связь услугаяс, уджтасулов вылӧ да с.в.

«Чилимдін районса олысьясӧс социальнӧя дорьян шӧрин» Коми Республикаса канму сьӧмкуд учреждениеысь уджалысьяс шыӧдчисны социальнӧй да уджалан гарантияскӧд, а сідзжӧ социальнӧя дорьян уджалысьяслӧн инӧда статускӧд йитчӧм юалӧмьяс серти.

«Россияса корпоративнӧй спорт серти организация» ставроссияса вынйӧр сӧвмӧдан да спорт серти ӧтйӧза организация дасьтис «2030 воӧдз период вылӧ Россия Федерацияын корпоративнӧй спорт сӧвмӧдан концепция» проект да корӧ видлавны, сӧрнитны да пыртны Странаын спорт сӧвмӧдӧм серти концепцияӧ стӧчмӧдӧмьяс. Шыӧдчысьяслӧн видзӧдлас серти, власьт органьяскӧд ӧтувья уджыс отсалас ӧдйӧджык да бурджыка збыльмӧдны пуктӧм могьясӧ, ловзьӧдны да выль ногӧн сӧвмӧдны тайӧ спорт сикассӧ кызди массӧвӧй, ӧнмӧдны сылысь войтыркостса имиджӧ да сійӧс пыдди пуктӧмсӧ.

«1 №-а спорт школа» Сыктывкарын Коми Республикаса канму сьӧмкуд учреждениеса быдтасьяслӧн бать-мам корӧны гӧгӧрвоӧдны кадколастьясӧ, кор бара заводитасны тренируйтчыны Шӧр республиканскӧй стадионса зальясын, мый меститчӧма Первомай улича кузя 76 керкаын; шыӧдчысьяс кӧсйӧны тӧдны, вермас-ӧ спорт школа стадион выльмӧдӧм бӧрын ачыс урчитны тренируйтчӧмсӧ; коляс-ӧ сьӧмкуд подув вылын велӧдчӧмыс; колясны-ӧ спортсменьяслӧн группаясыс да тренерьясыс.

«Полярный волк» Усинск карын единоборство серти военно-спортивнӧй клубӧн юрнуӧдысь юӧртӧ клуб пӧдлалӧм йылысь. Вынсялісны пӧжарысь видзчысьӧм серти выль правилӧяс. На серти цокольнӧй да пӧдвальной жырьясын челядькӧд оз позь нуӧдны некутшӧм нырвизьын занятиеяс. Клубын занимайтчӧ 6 арӧссянь 100 гӧгӧр кага, челядь петкӧдчӧны республика, федеральнӧй да Европа тшупӧда ордйысьӧмьясын.

Сы могысь, медым дзоньтавны Сыктивдін районса Зеленец сиктсаянь Парчөг грездодз 7 километр кузьта туйсö Сыктивкарысь олысь вöзйö лöсьöдны посёлокьяслы «Дорожный минимум» сьом фонд; быд во сетны овмöдчöминьяслы «туй картаяс»; сикт овмöдчöминса администрация да туйяс дзоньталысь торья предприятие костын сёрнитчöмьяс серти сетны оперативнöй веськöдлöмö овмöдчöминлысь туйяссö да сэсса видзöдны, медым збыльмöдысьöн туй видзöмысь да дзоньталöмысь кывкутöм бöрся; индины сикт овмöдчöминьясса администрацияслы тöлын налысь уджсö доньялан медшөр петкöдласöн – олысьясöс шоныдöн могмöдöм, а мукöд периодö – туйяс дзоньталöм, транспортöн безопаснöя ветлöдлöм вылö найöс колана ногöн видзöм.

Инта карын олысь ань, кодi пиыскöд 1996 восянь сулалö Ылi Войвыв районысь бокрын, шөр полосаын, гражданаөн оланiн ньöбöм могысь социальнöй мынтöм босьтöм вылö учёт вылын, корö бырöдны сылысь инöдьяс торкалöмсö. Учёт вылысь киритiсны сы вöсна, мый Перым карын эм оланiн. Аньлөн заявление серти писö киритiсны мынтöмьяс босьтысь семьяö пырысьяс лыдысь, сы вöсна мый сiйö лои Перым карын оланiнысь 1/2 пай кыин кутысьöн. А 2021 воын учёт вылысь киритiсны и шыödчысьöс.

Удора районса Чим сиктысь олысьясöс майшöдлö сiйö, мый содiс муниципальнöй оланiн медалöмысь тарифыс, а сiдзжö сiйö, мый пошта вылын оланiн да коммунальнöй услугаысысь квитанция серти йöзыс мынтысьны оз вермыны сы вöсна, мый сикт овмöдчöминса администрациялөн пошта юкөнкöд сёрнитчöмыс абу. А сиктсаяслөн абу позянлуныс ветлöдлыны районса юрсиктö, медым мынтысьны банкын. Ёнджикасö сиктсаясыс – тайö олöма йöз да пенсионерьяс.

Княжпогост районысь ашшөр уджалысь юөртö чорыд коммунальнöй шыбласьясысь вывти ыджыд нормативьяс йылысь, мый индöма Войвывса дiнму оператор. Сы могысь, медым чинтыны рöскөдсö вöли ньöбöма ёг чукöртöм вылö контейнер да медым нуны ёгсö сылын тырöм бöрын. Но тшöтъяссö арталöны норматив серти да бöрья кадö сiйö 2 пöв ыджыдджык, тшöтъясын – 9,75 куб.м, а збыльвылас петкöдöма сöмын 1,5 куб.м.

Сы бöрын, кор лоис выль могмöдысь организация «УНИ ПРОФ» ичöt кывкутана котыр, кутiсны воны ыджыдджык тшöтъяс керкаын öтувья могьяс вылö ваөн могмöдöм да электроэнергия серти. Такöд йитöдын Сыктивкарысь олысь корö шыödчыны Россия Федерацияса Федеральнöй Собраниелөн Каналан Думаса депутатьяс дорö, медым веськöдлысь организацияяс эз торкавны оланпастэчассö вöдитчан мындаяс кыпöдан юкөнын, мый вöсна олысьяслы колö унджык мынтыны.

«Комитет спасения Печоры» öтйöза организация корö стöчмöдны производство да потребление шыбласьясöн вöдитчан юкөнын Коми Республикалысь мутас схемасö, Ухта либö Сосногорск районын чорыд коммунальнöй шыбласьяслөн полигон улö участок планируйтöмөн. Экологическöй организация лыддьö, мый колö ёг сортируйтан комплекссö

меститны чорыд коммунальнӧй шыбласьяслӧн полигонкӧд ӧти площадкаын, да корӧ аддзыны ӧнӧя полигонсянь 10 гӧгӧр километр ылнаын чорыд коммунальнӧй шыбласьяс вылӧ полигон да ӕг сортируйтан комплекс вылӧ выль участок, мый лӧсялӧ ӧнӧя оланпастэчаслӧн корӧмьяслы.

«Ловшы» – тайӧ аслыспӧлӧс проект. Сийӧс кӧсйӧны нуӧдны Коми Республикалы 100 во тыригкежлӧ. Проектс петкӧдлӧ, мый колӧ видзны Коми войтырлысь оланногсӧ да аслыспӧлӧслунсӧ. Проект олӧмӧ пӧртӧм вылӧ бӧрйисны Кулӧмдін район. Тані аслыспӧлӧс историяыс да культураыс, тані ловъя на Коми войтырлӧн оланногыс, этнографияыс, тані 70 % олысьыс сӕрнитӧ комиӧн. Кулӧмдінсаяс корӧны, медым «Кулӧмдін» муниципальнӧй районлӧн муниципальнӧй юкӧнса администрациялы сетісны позянлун нуӧдны Кулӧмдін сикт артмӧдӧмсянь 375 воны сийӧм гажӧдчан мероприятиеяссӧ санитарнӧй да эпидемиологическӧй мероприятиеясӧ кутчысьӧмӧн.

«ДоброГрад» ашӧрлуна абу коммерческӧй организацияса директор корӧ видлавны юалӧм, мый йитчӧма суйӧрсайса гражданаӧс коронавирусысь дон босьттӧг вакцинируйтӧмкӧд, кодъяс локтӧны республикаӧ пасйыны республикалысь юбилей. Тайӧ ышӧдас суйӧрсайса туристыясӧс воныны республикаӧ, унджык тӧдмавны сы йылысь. Сідзкӧ, кутас сӧвмыны волана туризмыш.

«Инфекция висьӧмьяслӧн иммунопрофилактика йылысь» Федеральнӧй оланпасӧ вежсьӧмьяс пыртӧм йылысь» оланпас балаын вӧзйӧма пыртны Прививкаяслӧн национальнӧй календарӧ коронавирусысь прививкасӧ. Странаса олысьяс корӧны, медым тайӧс эз вӧчны, а сідзжӧ корӧны, медым экспертъяслӧн, ӧтйӧза организацияслӧн да гражданалӧн участвуйтӧмӧн восьсӧн видлавтӧг эз паськӧдны прививкаяслысь календарсӧ, киритны тайӧ юкӧнын помшуӧмьяс примитӧм вылӧ фармацевтика компанияслысь тӧдчӧмсӧ.

Торъя каръясын олысьяс сідзжӧ корӧны, медым канму органъяс веськыда босьтісны удждонсӧ, пенсияяссӧ, вуджӧдӧмьяссӧ бумага вылын документъяс серти, уна мога шӧринӧ ыстытӧг да QR-код сеттӧг; вӧзйӧны вуджӧдны мӧдлаӧ шӧр изӕрдъяс вылысь Ленинлы, Свердловлы да мукӧд революционерлы памятникъяссӧ да сувтӧдны история памятникъяс, мыйяс вӧліны 1917 воӧдз; сетны уличьяслы выль нимьяс, сетны важ нимьяс; сувтӧны паныд «Россия Федерацияын гражданалысь дзоньвидзалун видзан подувьяс йылысь» федеральнӧй оланпастэчасӧ вежсьӧмьяс пыртӧмлы, мый йитчӧма быдӧнӧс быть вакцинируйтӧмкӧд; паныд «имунитетлӧн паспорт» пыртӧмлы.

Граждана пырӧдчӧны оланпас лӧсьӧдан уджӧ, сетӧны оланпас пыртӧм серти вӧзйӧмьяс, ыстӧны найӧс Каналан Сӧветӧ гижӧда шыӧдчӧмьясӧн, граждана сетӧны ас сӕрниӧн примитігӧн, «гӧгрӧс пызаньяс» да йӧзкотыркӧд видлалӧмьяс нуӧдігӧн. Оланпас пыртан вӧзйӧмьяс петкӧдлӧны, мый граждана социальнӧя водзмӧстчӧны,

пырӧдчӧны йӧзкотырлы тӧдчана мытшӧдьяс разьӧмӧ. Гражданалӧн вӧзйӧмьясӧн зӧля вӧдитчӧны выль нормативнӧй инӧда актъяс примитигӧн да йӧзлысь олан ногтуйсӧ кыпӧдӧм могысь вына оланпастэчас бурмӧдигӧн.

II кварталын оланпастэчас бурмӧдӧм могысь, вӧзйӧмьяс серти шыӧдчӧмьяссӧ сиӧма со мыйлы.

165 сюрсысь унджык морт сувтӧны паныд ветеринарнӧй петкӧдласьястӧг пемӧсьяслы хирургия операцияс нӧдӧмлы да корӧны сетны гӧлӧс «Пемӧсьясӧс кывкутӧмӧн видзӧм йылысь да Россия Федерацияса торъя оланпастэчас актъясӧ вежсьӧмьяс пыртӧм йылысь» Федеральнӧй оланпасӧ вежсьӧмьяс пыртӧм йылысь» оланпас бала вӧсна, медым этшаджык вӧлі позянлун абу бурдӧдана могьясын збыльмӧдны гортса пемӧсьяслы медицина вӧчӧмторьяс, да ыстыны ассьыс помшуйӧмсӧ Экология да гӧгӧртас дорйӧм серти Каналан Думаса комитетӧ.

Уна челядя бать, кодӧ быдтӧ 8 челядьӧс, вӧзйӧ пыртны вежсьӧмьяс «Транспорт вот йылысь» республиканскӧй оланпасӧ, пыртны уна челядя семьясӧс, кодьяслӧн эм 5 да унджык кага, льготнӧй категорияӧ, киритны семьялысь 1 легкӧвӧй транспорт средство вылӧ вот мынтысьясысь.

Усинск карын олысь ань вӧзйис сетны муниципалитетъясса администрацияслы инӧд кырымавны медалӧмсӧ медалан сӧрнитчӧмьяссӧ кад кежлӧ, кор шӧр олысьыс абу (тӧрасьӧм улын бать-мамтӧм кагалӧн, кодӧ очнӧя велӧдчӧ мӧд карын, да сылӧн эм кага, абу сьӧмыс мынтыны Усинскын муниципальнӧй патераысь коммунальнӧй услугаысӧ).

Чилимдин районысь боевӧй действиеясса ветераньяс корӧны содтыны социальнӧя отсалан мераяс сьӧмӧн могмӧдӧмсӧ да вӧзйӧны: бырӧдны учёт вылӧ босьтан кадпас серти дзескӧдӧмьяссӧ да сетны позянлун бӧрйыны, мый кӧсйӧны босьтны олан жыр либӧ сьӧмӧн компенсация; быд во вичмӧдны санаторно-курортнӧя бурдӧдчӧм вылӧ путевкаяс, шойччанӧндз да бӧр дон босьттӧг ветлӧмӧн; сетны Россияса став медицина учреждениеын ӧчередьтӧг медицинаӧн могмӧдӧм, сы лыдын канму услугаыслӧн портал либӧ электроннӧй ӧчередь пыр гижӧдчигӧн; пенсия арталӧгӧн боевӧй действиеясын участвуитан ӧти лунсӧ лыддыны стажын куим лунӧн, кодлӧн абу военнӧй либӧ сы дорӧ ӧткодялӧм выслугаяс; пыртны инӧд сы вылӧ, медым став ветеранлы 55 арӧссянь кадысь водз индӧсны пӧрысьлун серти пенсиясӧ; содтыны лыддьӧгӧ боевӧй действиеясса ветераньяслы, кодьяс олӧны аспом секторын да кодьяслӧн эм пач либӧ электричествоӧн аспом ломтысьӧм, оланӧн да коммунальнӧй услугаысысь компенсация сетӧм, мынтыны пес вылӧ рӧскодысь компенсация; мездыны капиталнӧя дзоньталӧмысь мынтысьӧмысь; вежны патераын телефон медводдзаяс лыдын пуктӧм вылӧ инӧдсӧ мобильнӧй связь услугаысӧн дон босьттӧг вӧдитчӧм вылӧ; ӧткодявны ӧтчыдысь мынтан сьӧм ыдждасӧ овны судзяна сьӧм мындакӧд онас 1 абу этшаджыкысь водзӧ вылӧ индексируйтӧмӧн; мездыны 200 вӧв вынӧр вылӧ ӧти единицаысь транспорт вотысь; сетны позянлун дон

босьттөг ветлыны Коми Республика пасьтала йӧзӧс новлӧдлан, автомашина да кӧрт туй транспортӧн да мукӧдтор.

Инта карса олысь корӧ пыртны вежсьӧмъяс «Коми Республикаын административной кывкутӧм йылысь» 95-РЗ №-а республиканской Оланпаслӧн статьяӧ, кодӧ олӧдӧ луннас шы сетысь устройствоясӧн гораа вӧдитчӧмысь (сусед пыр гораа кывзӧ музыка, та понда кайӧ давление, а нылыс став велӧдчан восӧ олӧс наушникӧн).

Челябинск карса олысь ыстӧс туйвны да босьтны «Ньӧбасьысьлысь инӧдьяс дорйӧм йылысь» Россия Федерацияса Оланпасӧ вежсьӧмъяс пыртӧм йылысь» федеральной оланпас балалӧн оланпас дасьтӧгӧн сӧрнитанторйӧ сы серти, мый йитчӧма вузӧс вылӧ дон урчитӧмкӧд. Федеральной оланпас балалысь концепциясӧ дасьтӧма сы могысь, медым бурмӧдны ньӧбасьысьяслысь инӧдьяс дорьян юкӧнын механизмьясӧ, лӧсьӧдны Россия Федерация пасьтала граждана-ньӧбасьысьясӧн оланпас серти асьыныс интересьясӧ да инӧдьясӧ олӧмӧ пӧртӧм вылӧ ӧткодь да збыль условиеяс. Шыӧдчыслӧн видзӧдлас серти, вӧзьяна стӧчмӧдӧмьясӧ примитӧмыс отсалас бурджыка дорйыны налысь интересьясӧ овмӧс нуӧдысь субъектыслӧн омӧль уджысь экономикалӧн да йӧзкотырлӧн сӧвман тшупӧдлы лӧсялӧмӧн.

Олысьясӧс чорыд ломтасӧн могмӧдан мытшӧдыс ёся сулалӧ Изьва районса олысьяс водзын, сы вӧсна мый абуӧсь организацияс либӧ асшӧр уджалысьяс, кодьяслӧн эм позянлун заптыны колана мында пессӧ, медым вобыд могмӧдны сыӧн ньӧбасьысьясӧс. Сийӧс тӧд вылӧ босьтӧмӧн, мый тайӧ Ылі Войвыв район да абу могмӧдӧма биаруӧн, шоныдӧн могмӧдӧмкӧд йитчӧм мытшӧдыс медшӧр да инмӧ олысьяслӧн став социальной юкӧнлы, сы вӧсна мый медуна гражданаыс олӧ пачӧн ломтысян ас керкаын. Пессӧ ас вынӧн заптынысӧ сьӧкыд, сы вӧсна мый абу ставныслӧн юклӧм дялянкаясысь пес заптӧм да вайӧм вылӧ техникаыс. Пырджык овлӧ, мый дялянкаясыс олан пунктсянь ылынӧсь. Такӧд йитӧдын Изьва районса олысьяс юасьӧны, эм-ӧ позянлун субсидируйтны районса олысьяслы ас керкаяс шоныдӧн могмӧдӧм вылӧ ломтысян брикетьяс ньӧбӧмысь ӧтувья рӧскод юкӧнсӧ. Тайӧ кокньӧдас йӧзлысь олан условиеясӧ.

Талун кежлӧ артмӧ сӧдз, мый бать-мамтӧм да бать-мамлӧн дӧзьӧртӧг кольӧм оз став челядьлы сетны олан жырсӧ, сы вӧсна мый найӧ ас кадӧ (23 арӧсӧдз) эз шыӧдчыны уполномочитӧм органьясӧ лӧсялана заявлениеӧн (абу кутчысьӧма шыӧдчӧмӧн заявление серти быть шыӧдчан ногӧ). Сыктывкарса олысь чайтӧ, мый канмулы колӧ бурджыка дорйыны бать-мамтӧм челядьӧс, кыдзи медся слаб категорияӧс, мый позьӧ збыльмӧдны канмусянь содтӧд ладмӧдӧм отсӧгӧн, да корӧ видзӧдлыны, эм-ӧ позянлун пыртны вежсьӧмъяс «Бать-мамтӧм да бать-мам дӧзьӧртӧг кольӧм челядьлы социальной отсӧг серти содтӧд гарантияс йылысь» Федеральной оланпаслӧн юкӧнӧ, кӧнӧ бӧрья положениеын урчитӧма бать-мамтӧм челядьлы да бать-мам дӧзьӧртӧг кольӧм челядьлы олан жыр вылӧ

инӧдсӧ кутшӧм-либӧ дзескӧдӧмтӧг (кадколаст да заявление серти быть шыӧдчан юкӧнын).

Странаса торъя карьясын олысьяс водзӧ ысталӧны «гожся кад» бӧр пыртӧм йылысь вӧзйӧмьяс. Торйӧн ӗна тайӧ юалӧмыс кыптис сийӧ кадӧ, кор коронавирус пандемия да энергоресурсьяс вылӧ доньяс содӧм вӧсна лоис кризис. Шыӧдчысьяслӧн видзӧдлас серти, гожся кад вылӧ бӧр вуджӧмыс – тайӧ кризислы паньд мераяс пӧвстысь ӧти, кодӧс позьӧ кокниа пӧртны олӧмӧ. Шыӧдчысьяс вӧзйӧны шыӧдчыны Чуваш Республикаса Каналан Сӧветӧ, Киров обласьтса Оланпас пыртысь Собраниеӧ да мукӧд регионӧ, медым ӧтвыв пыртны Россия Федерацияса Федеральнӧй Собраниеӧн Каналан Думаӧ кадсӧ волӧн кад серти вуджӧдӧм йылысь оланпас балаӧн.

«Мы ЗА перемены» челядя семьяслы социальнӧй да инӧд боксянь отсӧг сетан да челядьдыр дорьян асшӧрлуна абу коммерческой организация, Санкт-Петербуркса уна челядя семьяслӧн сӧветса группа да мукӧд водзмӧстчысь, кодьяс дорйӧны челядьдыр да семьяын кӧленаысь кӧленаӧ вуджӧдан традицияс да обычайс юӧртӧны, мый ӧнӧ Ӗтуввезйын челядьлы зӧля кӧвъялӧны абу традиционнӧй сексуальнӧй йитӧдьяс да энъ-ай рӧд вежӧм серти видзӧдлассӧ, да корӧны сетны гӧлӧс олысьясӧс традиционнӧй оласноглы паньд веськӧдӧм юӧрысь дорйӧм серти оланпастӧчас бурмӧдан мераяс вӧсна, ыдждӧдны татшӧм пропагандаысь кывкутӧмсӧ, и абу сӧмын тыр арлыдтӧмьяс пӧвстын; сетны гӧлӧс татшӧм пропагандалысь выль эпизодьяссӧ уголовнӧя мыждан вӧчӧмторьяслӧн категорияӧ пыртӧм вӧсна; урчитны ӧлӧдан контент блокируйтанногьяс; сетны гӧлӧс РФ-са КоАП-ӧ да РФ-са УК-ӧ нормаяс пыртны коланлун йылысь вӧзйӧмьяс вӧсна, кутшӧмьясӧс веськӧдӧма семьяӧс кызди оланподулӧн видзан донаторсӧ семьялы паньд пропагандаысь дорйӧм вылӧ;

Республикаса асшӧр уджалысьяс ӧтвылысь шыӧдчӧны да юӧртӧны, мый подулалӧм экономической условиеясыс, кор 2020 воын эмбур вылӧ вот ставкасӧ чинтисны 1 %-ӧдз, колины, но 2021 воын вот ставкасӧ кыпӧдисны кык пӧв. 2020 воын пандемиялы паньд мероприятиеяс дырйи асшӧр уджалысьяслы (торъя йӧзлы) отсӧгсӧ эз сетны, мый понда найӧ веськалисны омӧльдзык условиеясӧ сийӧ жӧ бизнес мукӧд петкӧдлысь серти, кодьяс уджалӧны корпоративнӧй формаын (организацияс), бизнеслӧн рӧскодыс содис (кӧртымалӧм, коммунальнӧй мынтӧмьяс, эмбур вылӧ вот, страховӧй взносыс, уджысь мынтысьӧм, чорыд коммунальнӧй шыбласьяс нуӧм вылӧ рӧскод, эпидемиялы паньд мероприятиеяс могмӧдӧм вылӧ ӧтувья рӧскод – содӧма). Бӧрья кадӧ, мӧдарӧ, корпоративнӧй бизнес серти вот перйӧмыс бурмис асшӧр уджалысьяс серти вот перйӧм серти. Шыӧдчысьяслӧн видзӧдлас серти, татшӧм серпасыс: оз лӧсяв РФ вот кодекслӧн 3 статьяса 1 пунктӧн урчитӧм вот перьян принципьяслы сы йылысь, мый вот индигӧн тӧд вылӧ босьтӧны вот мынтысьлысь вот мынтыны збыльвывса позянлунсӧ; пандемиялы паньд

дзескөдөмьяс дырйи мунö паныд бизнеслы федеральнöй да динму тшупöдын урчитöм отсöг сетан уджтаслы да политикалы; абу подулалöма сийöс, мый бизнесöс петкөдлысь торья формаяслы (асшөр уджалысьяс да организацияяс) оз сетны öткодь отсöгсö; сэк, кор колö кутчысьны абу дугöдöм дзескөдөмьясö, пунктö бизнессö киссян выйö.

Такöд йитöдын асшөр уджалысьяс вöзйöны гижны «Коми Республика мутасын организацияслөн эмбур вылö вот йылысь» Коми Республикаса Оланпаслөн 2 статьяö вежсьöм пыртöм йылысь» 24-РЗ №-а Коми Республикаса Оланпассö таdzi:

«Вот ставкасö вөрзöдны позьтöм эмбур объектьяс серти, кутшöмьяс серти вот базаыс урчитсьö кызди кадастрöвöй дон, Россия Федерацияса вот кодекслөн 380 статьяса 3.1 да 3.2 пунктьясын индöм объектьяс кызди, урчитöны татшöм мындаын:

1) организацияяслы, организацияяслөн вөрзöдны позьтöм эмбур объектьяс кызди, кутшöмьясöс индöма тайö юкөнлөн 2 пунктын, - 2 %;

2) организацияяслы, кодьясöс «Россия Федерацияын ичöt да шөр предпринимательство сöвмöдöм йылысь» Федеральнöй оланпас серти пырöны ичöt да шөр предпринимательство субъектьяс лыдö да кодьяс сулалöны Коми Республика мутасын вот органьясын учёт вылын организациялөн меститчанин серти либö сьлөн торья юкöдув, 2020, 2021, 2022 воын - 0,5 %, локтан воясын - 1,5 %».

Вермытöм челядьöс быдтысь бать-мамлөн, ментальнöй да мукöд торксöма 18 арöсысь ыджыджык вермытöмьяслөн, кодьяслысь интересьяссö колö петкөдлыны, ставроссияса организация (ВЧБМСО) юасьö, позьö-ö пыртны динму лыддьöгö вермытöм челядь бöрся, кодьяс олöны гортын, дöзбөрритöм да видзöдöм серти услугаяс. Татшöм услугаыс отсалас бурмöдны вермытöм челядьлысь да налөн бать-мамлысь олöмсö, видзны семьялысь оланногсö. Шыödчысьяс корöны видлавны, эм-ö позянлун урчитны кыпöдан коэффициентлысь ыдждасö вермытöм челядьöс велöдöмсö сьöмөн могмöдöмсö арталигөн.

Гражданалөн шыödчöмьяс лоöны юөрлөн тöдчана öшмösөн, мый колö республикаöс социальнöй да экономика боксянь сöвмöдан юалöмьяс серти Каналан Сöветөн оланпас пыртан помшуйöмьяс примитöм вылö.

2021 вося мöд кварталын республикаса олысьяслысь оланпас пыртан кык вöзйöмсö пыртисны Коми Республикаса оланпасьясö да öтиöс Каналан Сöветлөн шуöмö. Лöсялана вежсьöмьяссö примитисны Каналан Сöветлөн лöддза-номья тöлысья заседание дырйи.

Кöрткерöс сиктысь уна челядя семья (10 челядь) юöртис, мый налы колö семейнöй транспорт (микроавтобус), медым став челядькөд öтлаын ветлыны шойчыны либö рöдвуж дорö. Такöд йитöдын Каналан Сöветлөн 2021 вося лöддза-номья тöлысь 24 лунся сессиялөн заседание дырйи пыртöма «Коми Республикаын олысьяслы социальнöй отсöг сетöм йылысь» Коми Республикаса Оланпасö вежсьöмьяс. На серти семьяяслы, кöни эм сизим да унджык тыр арлыдтöм кага, сетöны отечественнöй

производствоса транспорт средство ньоббөм вылө 1200000 шайт мында өтчыдысь мынтөм.

Сыктывкарысь «Рассвет» клуб юөртис: республикаын бать-мамөс майшөдлө сійөс, мый тыр арлыдтөм челядылы вузалөны алкогольтөм энергетическөй юанторьяс, да вөзйис Каналан Сөветса депутатъяслы выльысь видлавны 18 арөсөдз челядылы алкогольтөм энергетическөй юанторьяс вузалөмсө оланпас боксянь дзескөдөмсө. 2021 вося лөддзаномья төлысь 24 лунө пыртисны вежсьөмьяс «Коми Республика мутасын алкоголя продукция торйөн вузалөм дырйи торья корөмьяс да содтөд дзескөдөмьяс урчитөм йылысь» Коми Республикаса Оланпасө да сымогысь, медем видзны тыр арлыдтөм челядылысь дзоньвидзалун, дугөдөма налы 18 арөсөдз алкогольтөм тонизируйтан юанторьяс вузалөмсө.

Водзджык республикаса медикьяс корисны социальнөя отсалан мера пыдди сетны кыин кутөмө оланінсө, кутшөмөс сетөма социальнөя медалан сёрнитчөмьяс серти. «Торья медицина уджалысьясөс оланжырьясөн могмөдөмкөд йитчөм өткымын юалөмьяс йылысь» 2021 во лөддзаномья төлысь 24 лунө республиканскөй оланпас примитөмкөд йитөдын Коми Республикаса специализируйтөм канму оланін фондусь служебнөй оланжырьяс, кутшөмьясөс сетөмаөсь медицина уджалысьяслы медицина организацияс, кодьяс пырөны дзоньвидзалун видзан юкөнын Коми Республикаса олөмө пөртусь власьт органлөн веськөдлөм улө, коді сетө первичнөй доврачебнөй, первичнөй врачебнөй либө первичнөй специализируйтөм медико-санитарнөй отсөг либө регыдья отсөг, кутасны сетны дон босьттөг кыин кутөмө индөм медицина уджалысьяслы 10 во уджалөм бөрын.

Каналан Сөветө гражданасянь воис уна шыөдчөм (ставнас 605, наысь 276 ним юөрттөг). Шыөдчөмьясын корөны сетны отсөг «Өпаснөй производственнөй объектъяслөн промышленнөй безопасностьт йылысь» 1997 во сора төлысь 21 лунся 116-ФЗ №-а Федеральнөй оланпасө вежсьөмьяс пыртөм серти оланпас пыртан водзмөстчөм вөсна сійө юкөны, мый йитчөма прөмыслөвөй мусир проводьяс уджөдан кадколаст дзескөдөмкөд.

Коми Республикаса Каналан Сөветлөн 2021 во лөддзаномья төлысь 24 лунся VII-2/115 №-а шуөмөн примитөма Россия Федерацияса Федеральнөй Собраниелөн Каналөн Дума, Россия Федерацияса Федеральнөй Собраниелөн Федерация Сөвет да Россия Федерацияса Веськөдлан котыр дорө шыөдчөм, мый йитчөма мусир да мусирысь вөчөмторьяс перйөм да нуөм-вайөм серти удж збыльмөдигөн экологическөй безопасностьсө могмөдөм, а сіджжө вөр-ва видзан мероприятияс збыльмөдөм да гөгөртаслы вөчөм лекторсө бергөдөм вылө экономическөй механизм лөсьөдөм могысь федеральнөй оланпастэчас бурмөдөмкөд.

Шыодчөмлөн медшөр могөн лоо юалөмьяс өдйө видлалөм, кутшөмьяс йитчөмаось федеральной оланпасьясө вежсьөмьяс пыртөмкөд, сы лыдын:

1) «Опасной производственной объектыслөн промышленной безопасности йылысь» 1997 во сора төлысь 21 лунся 116-ФЗ №-а федеральной оланпасө сийө юкөнын, көні дзескөдөма опасной производственной объектыас урчитөм уджөдан кадколаст помасьөм бөрын уджөдан кадколаст нюжөдөмсө, мый йитчөмаось мусир да мусирысь вөчөмторьяс перйөмкөд, нуөм-вайөмкөд да найөс видзөмкөд (татшөм объектыас уджөдан кадколаст өтчыдысь нюжөдны позянлунөн дас воысь абу дырджык кадколаст кежлө сэк, кор эм опасной производственной объектыас да (либө) опасной производственной объект вылын вөдитчан технической устройствояс выльмөдан либө вежан уджтас);

2) «Гөгөртас видзөм йылысь» 2002 во төвшөр төлысь 10 лунся 7-ФЗ №-а Федеральной оланпасө сийө юкөнын, көні пыртөма Россия Федерацияса Арктика зоналөн мутасын мусир проводын (мусир провод участокын), кутшөмлысь нюжөдөмаось уджалан кадколастсө, мусир да мусирысь вөчөмторьяс киссьөмьяс бөрын гөгөртаслы, гражданалөн олөмлы, дзоньвидзалунлы да эмбурлы, юридической кывкутысьяслөн эмбурлы вөчөм лектор бергөдан мындасө арталігөн кыпөдан коэффициентсө;

3) Административной инөд торкалөмьяс йылысь Россия Федерация кодексын сийө юкөнын, көні кыпөдөны административной штрафлысь мындасө, кутшөмөс индөны юридической кывкутысьяслы сэк, кор киссьөма мусир проводьясын, кутшөмьяслысь нюжөдөмаось уджалан кадколастсө, мусир киссьөм бөрын.

Сідзжө Каналан Совет вөзйө видлавны Россия Федерацияса сьөмкүд кодексө вежсьөмьяс пыртөм йылысь юалөмсө, көні урчитөма:

1) 100 прөцент норматив серти муниципальной районьясса, муниципальной кытшьясса, кар кытшьясса, кар пытшкын юклөмөн кар кытшьяслөн, Россия Федерацияса субъектыслөн – Москва, Санкт-Петербург да Севастополь федеральной төдчанлуна карьяслөн гөгөртаслы лектор вөчанін серти – сьөмкүдьясө ва объектыаслы вөчөм лектор бергөдөм йылысь искьяс серти мынтөмьяс, а сідзжө мынтөмьяс вуджөдөм, кутшөмьясөс мынтөны ва объектыаслы вөчөм лекторсө ас көсийөм серти бергөдігөн;

2) сы могысь, медым збыльмөдны Россия Федерацияса Федеральной Собраниелөн Россия Федерацияса Президентлысь 2021 во косму төлысь 21 лунся послание, лөсьөдны федеральной сьөмкүдйын, Россия Федерация субъектыслөн сьөмкүдьясын да меставывса сьөмкүдьясын сьөмкүд экологической фондьяс, кутшөмьясөс артмөдөны став сикас экологической штраф да мынтөм тшөт весьтө, гөгөртаслы вөчөм лектор бергөдөмысь мынтөмьяс пыртөмөн, индөм фондьясысь сьөмсө

вöчöм лёктор компенсируйтöм, вöр-ва видзан мероприятиеяс збыльмöдöм да гөгöртас бурмöдöм вылö торья могөн веськöдöмөн.

Индöм периодысь Каналан Сöветö шыödчöмьясын авторьясыс вылынджык индöмаяс кындзи тöдчöдiсны татшöм юалöмьяс:

Емдiн районлөн Зövсьöрт посёлөкса Вöрбаза местаын школа пöдлалöм либö выль ног котыртöм, школасö капиталнöя дзоньталöм либö выльöс кыпöдöм;

Ухта карса Ярега посёлөкын «2 №-а карса поликлиника» Коми Республикалөн йöзлысь дзоньвидзалун видзан канму сьöмкуд учреждениеса юралысь врачөн мöд мортöс индöм;

Чернобыльса АС вылын авария бöрын II группаса вермытöмлы, кодi олö Кулöмдiн районын, Сыктывкарын оланiн ньöбöм вылö оланiн субсидия сетöм;

Печора карын олысь инвалид-колясочник дорö врач-отоларингологлөн волöм;

Луздор районса Черемкова сиктын олысь аньясөн му юкöм да участок дорö мытшöдтöг пырöмсö дзескöдöм;

Каналан Сöветса депутатöс Сыктывкар шöрын олан керка вылын баннерысь, кöни сийöс серпасалöма, кывкутöмö кыскöм;

«Усинскса шöр больнича» йöзлысь дзоньвидзалун видзан канму сьöмкуд учреждениеса фельдшер-лаборантлы, кодлөн стажыс 46 во, компенсацияс, кокньöдьяс да мукöд мынтöмьяс сетöм;

2014 воын чужöм нывкалы, кодi ветлöдлö коррекционнöй детсадйö «сёрни сöвмöмын сёрмöм» диагнозөн, санаторно-курортнöя бурдöдчöм вылö «Мам да кага» путёвка сетöм;

Печора районса Кöжва да Изьяю посёлөкьясын Каналан Сöветса депутатлөн отсасысьсөн уджавны позянлун татшöм мытшöдьяс разьöм могысь: ёг петкöдöм, весалан сооружениеяслөн уджалöм, гөгöртас ныйтсьöдöм, абу ыджыд мусир киссьöмьяс бырöдöм да с.в.;

полиция органьяслөн уджын отсалöм, кутшöмьяс шыödчысьлөн видзöдлас серти, оз збыльмöдны Сыктыв районса Визин сиктын ДТП кузя материал видлалöм серти ассыс уджмогьяссö;

Воркута карын мирövöй ёрдысьяслөн чиньяс вылö индöм йылысь Каналан Сöветлөн шуöмьяслысь эскöдöм копияяссö сетöм;

гражданалөн лыд йылысь юөр сетöм, кодьяс шыödчисны субъектлөн оланпас пыртысь органö кад арталан öнiя система вежöм йылысь корöмөн;

Коми Республикалөн 100 во тыригкежлö дасьтöм небөгьяс лэдзöм да паськöдöм. Зосима Васильевич Паневлөн рöдвужыс лöсьöдöмаöсьсылөн нэмджынся уджлы сиöм «Человек-эпоха» небөг. Зосима Васильевич война бöрын веськöдлiс Коми АССР-са Министрьяс Сöветөн, а сэсся вöли Коми Республикаса Медвылыс Сöветлөн Президиумөн Веськöдлысьсөн. Коми Республикалөн Медвылыс Сöветса вöвлöм депутат В.А. Милицынлөн авторство улын небөгьяс, кöни хронология серти опишитöма

республикаын дзоньнас да «Мылдін» районын торйөн 1990-өд вояссянь 2020 воясөдз вöвлөм лоөмторьяссö;

материальной отсөг сетөм: Усинск карса Лыжавом сиктса детсадйын уджалысьяслы да бать-мамлы 7 сюрс шайт мында сьом вичмөдöма нейджыд музей лөсьөдöм вылө, медым водзö пырöдчыны «ЛУКОЙЛ» публичной акционер котырлөн социальной да культура проектъяслөн конкурсö «Коми керка» детсадйын мини-музей лөсьөдöм» проектөн; Кörtкерöс районса Шойнаты сиктын олысьлы электричество, пес да көлуй вылө; «Кулөмдінса клубьяслөн шөр система» муниципальной сьомкуд культура учреждениеса филиаллөн Шөрьяг посёлокысь «Непоседы» челядлөн хореографической ансамбльлы Парижын Мариус Петип нима хореографической искусство серти войтыркостса конкурсö пырöдчөм вылө да мукөд.

Каналан Сöветөн Вөськөдлысь С.А. Усачев сетис тшöктöмьяс 338 гижöда шыöдчөм серти, Каналан Сöветөн Вөськөдлысьöс Медводдза вежысь А.П. Макаренко – 3, Каналан Сöветөн Вөськөдлысьöс вежысь В.А. Косов – 5, Каналан Сöветөн Вөськөдлысьöс вежысь В.В. Жиделева – 1, Каналан Сöветөн Вөськөдлысьöс вежысь – С.В. Артеев – 1 шыöдчөм.

Оланпастэчас да меставывса асвөськөдлөм серти комитет видлалис 10 шыöдчөм, на пиысь 9 Каналан Сöветса юрнуöдысьяслөн тшöктöм серти; социальной политика комитет – 19 шыöдчөм, на пиысь 16 тшöктöм серти; сьомкуд, вот да экономической политика серти комитет – 9 шыöдчөм, на пиысь 8 тшöктöм серти; вөр-ва озырлун, вөр-ваён вöдитчөм да экология серти комитет – 341 шыöдчөм, на пиысь 337 тшöктöм серти; оланін да коммунальной овмөс юалöмьяс серти пыр уджалысь комиссия – 10 шыöдчөм; йöзлысь дзоньвидзалун видзан, вынйөр сөвмөдан да спорт юалöмьяс серти пыр уджалысь комиссия – 10 шыöдчөм, на пиысь 9 тшöктöм серти; Уджаланарт да депутатлөн этика серти пыр уджалысь комиссия – 5 шыöдчөм тшöктöм серти;

Каналан Сöветса Аппаратөн Юрнуöдысь А.В. Патрушев видлалис 9 шыöдчөм, на пиысь 2 – тшöктöм серти.

Пыдисянь видлалөм могысь Каналан Сöветса чина йöз ыстисны 46 гижöда шыöдчөм Коми Республикаса олөмө пöртысь власьт органьясö, Коми Республикаса прокуратураö, республикаын муниципалитетъяслөн администрациясса чина йöзлы.

Перевод словосочетаний для диаграммы 1	
Письма, поступившие в форме электронного документа; 87 %	Электронной документон воом письмояс; 87 %
Перевод словосочетаний для диаграммы 2	
Государство, общество, политика	Канму, йозкотыр, политика
Социальная сфера	Социальной юкөн
Экономика	Экономика
Оборона, безопасность, законность	Оборона, безопасносът, оланпаслун
Жилищно-коммунальная сфера	Оланін да коммунальной овмөс юкөн
Природные ресурсы и охрана окружающей среды	Вөр-ва озырлун да гөгортас видзём